

Minamatami isumaqatigiissummut naleqqiullugu nunamut nangaassutip atorunnaarsinnerata inuiaqatigiinnut akilersinnaaneranik misissueqqissaarneq

OQA. +45 56 40 00 00
ALLAK. +45 56 40 99 99
WWW cowi.dk

KINGUNERISAA PILLUGU ILISIMATITSISSUT

17. JUULI 2019

Tunuliaqutaasoq

Kviksølv pillugu nunarsuaq tamakkerlugu isumaqatigiinniarnerit, Minamatami isumaqatigiissut, 2013-imi januaarimi naammassineqarput. Isumaqatigiissummi siunertaq tassaavoq kviksølvimik aamma kvihsølvimut kattunnernit inuit pilersitaannik aniatitsinernut kuutsitsinernullu inuit peqqinnerannut avatangiisillu illersornissaat. Danmarkip isumaqatigiissut 10. oktober 2013-imi atsiorpaa Kalaallit Nunaat aamma Savalimmiut pillugit nunamut nangaassuteqarluni.

Kalaallit Nunaat pillugu nunamut nangaassutip atorunnaarsinnerata kingunerinik misissuinarluni Pinngortitamut Avatangiisinullu Naalakkersuisoqarfik misissuiner mik aallartitsisimavoq, teknikkikkut tunuliaqutaasumik nalunaarusiamik nalunaarusiortoqarluni. Misissuinerup inernerter Kalaallit Nunaata avatangiisimut akuersinissaa pillugu politikkikkut aalajangiinissamut tunuliaqutaassapput. Ilisimatitsissummi matumani misissuinerup inernerter eqikkarneqarput.

Minamatami isumaqatigiissut august 2017-imi atulersinneqarpoq, nunat 50-it isumaqatigiissummik atortussangortitsimmata. Ullumikkut nunat 128-t isumaqatigiissummik atsiorsimalerput, taakkununnga ilaasortaasut. Issittumi nunanit arfineq pingasunit ministerit, Issittumi nunat inoqqaavisa kattuffiinit arfiniliusunit aallartitat peqatigalugit Fairbanksimi Nalunaarummik taaneqartumi 2017-imeersumik Minamatami isumaqatigiissutip sukkasumik sunniuteqartumillu atulersinnissaanut kaammattuuteqarput, tassa Issittumi kvihsølvimik mingutsitsinermi nunat ilungersuuteqarnerannut tamanna pingaaruteqarmat.

Issittumi avatangiisit inuillu illersorneqarnerat Minamatami isumaqatigiissutip siulequtaani erseqqissarneqarpoq, tassa isumaqatigiissummut peqataasut

issittumi pinngortitami ataqtiginnerit qangaaniillu inuiaqatigiit immikkut sunnertianerat maluginiarmassuk.

Kalaallit Nunaanni inuit avatangiisillu sunnerneqarneri

Kviksølv avatangiisimiilersoq methylkviksølvinnngortarpoq, nerisariaani kimittusiartortarluni. Tamanna pingaartumik Kalaallit Nunaanni ileqquusumik nerisani immikkut qaffasittarpoq soorlu aalisakkani imaanilu miluumasuni. Inuit ileqquusumik nerisassianik annertuunik nerisaqartut taamaattumik nerisat aqutigalugit kviksølvimit annertuumik navianartorsiortinneqarput. Pingaartumik naartut meeqqallu ineriarnerat sunnerneqarnerat ernumassutigineqarpoq. Kalaallit arnartaasa qitorniorsinnaasutut ukiullit affai sinnerlugit 2014-mi nunani tamalaani killiliussatut missingersuutinit qaffasinnerusumik aaminni kviksølvimik kimittussuseqarput. Avannaani nunaqarfinni arnat tamarmik qitorniorsinnaasutut ukiullit killiliussatut missingersuutinit qaffasinnerusumik kimittussuseqarput.

Kviksølvip annerpaartaa kalaallit nunaanni avatangiisiniilersartoq avataaneersuovoq. Naatsorsuutigineqarpoq kalaallit nunaanni sumiiffinni aniatitsisuusut Kalaallit Nunaanni kviksølvimik mingutsitsinerup tamarmiusup 1 %-iata missaanik taamaallaat mingutsitsisartut. Imaassinjaavorli sumiiffinni imermi avatangiisinut kuutsitsinerit, assersuutigalugu kigutileriffinniit imaluunniit eqqaavissuarniit, illoqarfiit eqqaanni sumiiffinni mingutsitsinermut pingaaruteqarsinnaasut.

Kalaallit Nunaannut tunngatillugu isumaqatigiisummi aalajangersakkat ajornartorsiutillu

Minamatami isumaqatigiissut arlalinnik aalajangersagaqarpoq, isumaqatigiissutip akuerineqarnissaa toqqaerneqassappat Kalaallit Nunaannit naammassineqartussat.

Kviksølvip píarneqarneranut inerteqqussut. Isumaqatigiisummi piumasqaatigineqarpoq aatsitassarsiornermi kviksølvimik píiaaneq peqataasut inerteqqutigissagaat, isumaqatigiissutip atulersinnerani píiaaneq ingerlanneqalereersimanngippat. Kalaallit Nunanni kviksølvimik tunisassioritoqanngisaannarsimavoq, tamannalu pillugu aamma pilersaaruteqarnani. Isumaqatigiisummiik akuersineq nalilerneqarpoq immikkoortumut tassunga tunngatillugu Kalaallit Nunaannut kinguneqartitsissanngitsoq.

Tunisassianik kviksølvimik akuneqarsimasunik tunisassiornerup eqqussuinissallu inerteqqutaanera. Isumaqatigiisummi piumasqaatigineqarpoq tunisassianik kviksølvimik akuneqarsimasunik tunisassiorneq tunisassianillu arlalinnik eqqussuinissamut peqataasut inerteqquteqassasut. Tassunga ilaapput attataasat aallartaatit, kiassiutit uuttuutillu assiginngitsut allat, pinnersaatit, biocidit, pesticidit aamma batterit kviksølvoxidit. Batterit allat lysstofrørillu eqqarsaatigalugit piumasqaatigineqarpoq kviksølvíiakuusoq killiliussatut aalajangersarneqarsimasut ataaniissasut. Ilisimatusarnermut, sakkutuut atuinerit inuinnaallu illersornerinut atorneqartut tunisassiat pillugit nalinginnaasumik ilaatisisoqanngilaq. Tunisassiat atugaareersut atornissaannut suli periarfissaqarpoq. Naliliisoqarpoq tunisassiat kviksølvimik

akuneqarsimasunut pineqartunut inerteqqussut Kalaallit Nunaannut kinguneqartitsissanngitsoq.

Amalgami kigutinut ilaarut. Amalgami kigutinut ilaarut 50 % kviksølvip missaanik akoqarpoq. Amalgami kigutinut ilaarut Kalaallit Nunaanni pisortat kigutileriffiini ukiuni arlalinni atugaasimanngilaq. Isumaqatigiisummi piumasaqaatigineqanngilaq amalgami kigutinut ilaarut peqataasunit inerteqqutaassasoq, isumaqatigiisummiu amalgami kigutinut ilaarummut tunngasunik immikkoortunik qulingiluanik saqqummiussivoq, taakkunannaq ikinnerpaamik immikkoortut marluk peqataasunit naammassineqassallutik. Kalaallit Nunaata immikkoortut arfineq pingasut naammassereersimavai, taamaattumillu naliliisoqarluni isumaqatigiissut akuerineqarpat suliniutit nutaat pisariaqassannngitsut. Amalgami kigutinit peerneqartunit ketersorneqanngippat taanna imermi avatangiisinut kuuttussaassaaq, isumaqatigiisummiu piumasaqaatigineqararluni kuutsitsinerit annikillisarniarlugit ilungersuuteqartoqassasoq. Ullumikkut kigutileriffipassuit amalgamimik immikkoortiterissutinik pilersorneqarsimapput, tamarmiunngitsulli. Taamaattumik EU-mi atuuttut piumasaqaatit assigalugit kigutileriffinni tamani amalgamimik immikkoortiterissutinik atotorissaatitullu avatangiisinut mianerinninnerpaatut isigineqarsinnaasunik pilersuisoqarnissaa isumaliutigineqassaaq(BAT). Isumaqatigiisummiik minnerpaamik atulersitsinerli nalilerneqarpoq amalgamimik immikkoortiterissutit atugaanissaannik piumasaqaateqarfiunngitsumik naammassineqarsinnaassasoq.

Tunisassiat aalajangersimasut kviksølvimik atuiffiusut inerteqqutaaneri. Isumaqatigiisummi piumasaqaatigineqarpoq suliffissuarni sulinernut assiginngitsunut kviksølvip atorneqannginnissaa gultisornermilu kviksølvip atorneqarnerata annikillisarneqarnissaa. Siunertanut taakkununngu kviksølvit Kalaallit Nunaanni atorneqanngimmat naliliisoqarpoq sulinernut taakkununngu tunngatillugu isumaqatigiissutip akuerineqarnera kinguneqartitsissanngitsoq. Kalaallit Nunaanni siusinnerusukkut gultisorneq kviksølvit atornagu ingerlanneqarsimavoq, annertuumillu annikitsumillu ingerlatsinermi gultisornermit kviksølvimut taartaasunik atorsinnaasunik peqarluni. Gultisorluni takornariat ingerlataqarneranni, soorlu nunani avannarlerni arlalinni ilisimaneqartoq, kviksølvit atorneqarneq ajorpoq.

Eqqagassalerineq. Eqqakkanik kviksølvimik aqortunik passussineq pillugu isumaqatigiissut arlalinnik aalajangersagaqarpoq. Eqqakkat navianartut avammut nassiuunneqartarneri pillugit Baselimi isumaqatigiisummiik Kalaallit Nunaat akuersereernikuovoq, aamma uuliakoorneq akuutissanillu eqqakkat pillugit nalunaarummi eqqakkat kviksølvimik aqortut passunneqarneri pillugit piumasaqaateqararluni. Taamaattumik suliniutinik allanik pisariaqartitsisoqanngitsoq naliliisoqarpoq. Minamatami isumaqatigiisummiik akuersinikkut eqqakkat kviksølvimik aqortut sammineqalersinnaassapput taamaalillunilu malittarisassat atutereersut atulersinnerisa sunniuteqarneranut pitsaasumik sunniuteqassalluni.

Kviksølvimik silaannarmut aniatitsinerit. Eqqakkanik ikuallaasarneq siusinnerusukkut Kalaallit Nunaanni kviksølvimik silaannarmik aniatitsisuni annertunersaasimavoq. Nuummi Aasiannilu ikuallaavinni uuttuinerit nutaat takutippaat gassinnguuttumik pujuliornermi kviksølvip kimittussusia 2002-mi

Kalaallit Nunaanni ikualaavinni uuttorneqartunit tallimariaammik apparsimasoq. Kimittussutsit ullumikkut Danmarkimi aamma EU-p sinnerani ikualaavinnut killiliussanit appasinnerujussuupput. Appiarneq nalilerneqarpoq kiassiutit kviksølvartut tunisassiallu allat kviksølvimik akoqartut atugaajunnaarnerisa aamma eqqakkat kviksølvimik akoqartut annertunerusumik immikkoortittalernerisa sunniutigigaat. Nuummi Sisimiunilu ikualaaviit nutaat pilersaarutaasut dioxinimik aniatitsinerit killeqartinniarlugit gassinnguuttunik pujuliornerik saligutinik atortulerosneqassapput, peqatigisaanilu kviksølvimik aniatitsinerit suli annertunerusumik apparitinneqarlutik. Ikualaaviit pioreersut kiisalu nutaat eqqarsaatigalugit naliliisoqarpoq isumaqatigiisummitakuersineq Kalaallit Nunaannut kinguneqartitsissanngitsoq.

Nunamut imermullu kviksølvimik kuutsitsinerit. Kalaallit Nunaanni imermut avatangiisinut kviksølvimik kuutsitsisuni annersaasut siusinnerusukkut tassaasimapput kigutileriffinniit kuutsitsinerit aamma kiassiutini atortunilu allani kviksølvimik akoqartuni aserortuni kviksølvimik annaasaqarnerit. Kiassiutit atortullu kviksølvimik akoqartut allat ukiorpassuarni kviksølvimik akoqarsimanngimmata atortuni aserortunit annaasat annikillartorusaassapput. Aamma taamaappoq kigutileriffinniit kuutsitsinerit, kisiajni kviksølvimik ilaartinnerit sivisuumik atasarmata suli ukiuni arlalinni kigutileriffinniit kuutsitsisoqartassaaq. Nunamut kuutsitsinerit pisinnaasarpot atortut kviksølvimik akoqartut aserorpata, nunamulli kuutsinneqartut tamarmiusut annertunngitsutut nalilerneqarput.

Inatsisit

Naliliisoqarpoq kviksølvimik aamma tunisassianik kviksølvimik akusaasunik niuernermiit malittarisassaqartitsisumik nalunaarusiornissaq pisariaqarsinnaasoq. Tamatuma saniatigut nalunaarut, suut akuerineqarneri apeqqutaatillugu, amalgamik kigutit ilaartittarnerinik atuinermik atorunnaarsinneranillu malittarisassaqartitsissaq.

Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq eqqakkanik kviksølvimik akoqartunik passussinermik naammattumik malittarisassaqartitsivoq.

Kviksølvimik piiaanermut inerteqqussut aatsitassat pillugit inatsimmi allannguutitut suliarineqarsinnaavoq imaluunniit inatsit taanna naapertorlugu immikkut nalunaarummi. Soorlu eqqaaneqartoq kviksølv Kalaallit Nunaanni gultisornermi atugaanngisaannarsimavoq, aamma tassunga siunertamut atorneqarnissa pilersaarutaanani. Isumaqatigiisummi piumasaqaatit naammassineqarnissaannut pisariinnerpaaq tassaassaaq EU-mi atulersinneqarsimasoq inerteqqussut assigalugu gultisornermi kviksølvip atornissaanut inerteqquteqarneq.

Kingunissai allat

Isumaqatigiisummi piumasaqaatigineqanngilaq peqataasut atulersitsinissamut pilersaarusiussasut. Danmarkip isumaqatigiissut pillugu allattoqarfimmuit nalunaarusiornaranut atugassamik Danmarkip isumaqatigiisummit atuilernera pillugu ukiut sisamakkaarlugit Kalaallit Nunaata ilisimatitsarnissaq pisariaqarsinnaavoq. Inatsisit pisariaqartut inissinneqarsimappata nalunaarusiorneq annerusumik tassaassaaq aap/naagga aamma inatsisinut

innersuussineq. Taamaattorli siullermik nalunaarusiornermi aniatitsisut pillugit annertunerumik paassisutissiinissaq pisariaqassaaq, misissuinerterik ingerlanneqarsimasumik tunngaveqartoq.

Ilaatigut Issittumi Nakkutilliinermik Nalilersuilluni Suliniummi (AMAP) ingerlanneqareersut saniatigut naliliisoqanngilarli avatangiisini kviksølvimik imaluunniit inuit sunnerneqarnerannik nakkutilliinissaq pisariaqassasoq. Aniatitsinerit kuutsitsinerillu nakkutiginissaat imaluunniit atortut atugaanerinik nalunaarsuinissaq pillugu piumasaqaateqanngilaq.

Minamatami isumaqatigiisummi pingaarnersaavoq kviksølvimik sunnerneqarnerup kinguneri pillugit inuit ilangutitinneqarnissaat paasitinneqarnissaallu. Kalaallit Nunaanni inuit ilai kviksølvimik immikkut navianartorsiormata sunnertinneqarnerup qanoq annikillisineqarnissaat pillugu annertuumik suliniuteqartoqareerpoq, peqatigisaanilli ileqqusumik nerisat iluaquutaneri aalajangiussimaneqarlutik. Peqqinnissakkut ilinniarsimasut immikkut ilisimasallit naliliipput Kalaallit Nunaat isumaqatigiisummiit akuersippat qaammarsaalluni sulinermut tamanna nukittorsaassasoq taamaalillunilu Kalaallit Nunaanni nerisassaniilersartoq kviksølvip ungasissumiit assartorneqartartup annikillisineqarnissaanut pimoorussamik sulisoqarluni.

Sunniutissat tamarmiusut

Inuiaqatigiinnut akilersinnaasut sunniutaasinnaasut. Isumaqatigiisummiit akuersinermi inuiaqatigiinnut akilersinnaat sunniutaasinnaasut minnerpaamik atulersitsinermi Namminersorlutik Oqartussanit pisussaaffigineqarput tassaasut inatsisilornermut, nalunaarusiornermut paassisutissanillu suliaqarnermut isumalluutit. Ataasiarluni aningaasartuutit tamarmiusut 138.000 - 275.000 kr.-inik annertussuseqartutut naatsorsorneqarput. Taakkununnga ilangutissaq nalunaarusiornermut aningaasartuutit, ukiut sisamakkaarlugit ukiumut 12.500 kr.-inik annikinnerusut.

Apeqquaalluni suliniutit suut toqcarneqarnersut aamma amalgamimik immikkoortiterissutit ikkussornerinut aningaasartuuteqassaaq aamma amalgamik katersinermi eqqagassalerinermut pitsaanerusumut aningaasartuuteqassaaq. Minnerpaamik atulersitsineq annertunerumik aningaasartuuteqarfiunani naammassineqarsinnaassaaq. Illoqarfinni kigutileriffinni tamani amalgamimik immikkoortiterissutnik ikkussuilluni BAT-imik aaqqiineq nalilerneqarpoq aningaasaliinerni 700.000 - 1.000.000 kr.-inik ukiumullu 50.000 - 150.000 kr.-inik ingerlaavartumik aningaasartuuteqarfiussasoq. Aningaasartuutit pisortat kigutileriffiinit pisussaaffigineqassapput.

Isumaqatigiisummiit akuersinermi iluaquatasut. Kviksølvip annertunersaa Kalaallit Nunaanni avatangiisiniilersoq nerisassaniilersorlu silaannakkut imaami sarfamik Issittumut assartorneqartarpooq. Nunarsuaq tamakkerlugu kviksølvimik atuinerup killeqartinnissaat pillugu nunat tamalaat isumaqatigiisuteqarnerat taamaattumik Kalaallit Nunaanni avatangiisit kviksølveqalertarnerisa killeqartinniarneralu annertuumik pingaaruteqarpoq. Naliliisoqarpoq isumaqatigiisutip sunniuteqarneranut pingaaruteqartoq sapinngisamik nunarsuarmi nunat amerlassut kviksølvimik atuinerterik killeqartitsiniarnermi isumaqatigiisummilu akuersinermi sapinngisamik peqatiginnissaat.

COWI

6 MINAMATAMI ISUMAQATIGIISUMMUT NALEQQIULLUGU NANGAASSUTIP ATORUNNAARSINNERATA INUIAQATIGIINNUT
AKILERSINNAANERANIK MISISSUEQQISSAARNEQ